

Broj: 02/12-23-12748/19- LOT 1/Odl.II  
Sarajevo, 16.08.2019.godine

U skladu sa članom 100. stav (3) Zakona o javnim nabavkama (u daljem tekstu: Zakon), rješavajući po žalbi ponuđača SACOM doo Sarajevo bez broja od 09.08.2019.godine, zaprimljene od strane ovlaštenog zastupnika Advokatski ured, Sanel Nezirić, na Odluku o izboru najpovoljnijeg ponuđača u predmetu – Izvođenje radova na izgradnji i obnovi horizontalne signalizacije na parkinzima za LOT 1 od dana 29.07.2019.godine, donesene na osnovu člana 64. stav (1) tačka b) najniža cijena, člana 25. i člana 70. stav (1), (3) i (6), člana 123. stav (1) i (2) Zakona o javnim nabavkama ("Službeni glasnik BiH", broj 39/14), a u skladu sa Pravilnika o uslovima i načinu korištenja E-aukcije i člana 14. Pravilnika o nabavci roba, vršenju usluga i ustupanju radova broj 09-05-26263/15 od 27.11.2015.godine godine i Pravilnika o izmjenama i dopunama Pravilnika o nabavci roba, vršenju usluga i ustupanju radova broj 02/12-05-10708/18 od 16.05.2018.godine, a u vezi sa primjenom člana 3. stav (3) Pravilnika o uslovima i načinu korištenja E-aukcije, shodno mišljenju od 17.06.2019.godine Agencije za javne nabavke objavljenom na web stranici Agencije, a na preporuku Komisije za javnu nabavku radova Općinski načelnik, d o n o s i :

**ODLUKU - o usvajanju žalbe ponuđača i  
Izboru najpovoljnijeg ponuđača u predmetu - Izvođenje radova na izgradnji i obnovi  
horizontalne signalizacije na parkinzima (LOT 1 i LOT 2) – za LOT 1**

I  
Usvaja se žalba ponuđača SACOM doo Sarajevo bez broja od 09.08.2019.godine, zaprimljena od strane ovlaštenog zastupnika Advokatski ured, Sanel Nezirić na Odluku o izboru najpovoljnijeg ponuđača u predmetu – Izvođenje radova na izgradnji i obnovi horizontalne signalizacije na parkinzima za LOT 1 od dana 29.07.2019.godine, kao osnovana, shodno preporuci Komisije za javne nabavke i Mišljenju Agencije za javne nabavke objavljenom na web stranici Agencije 17.06.2019.godine, te primjenom člana 3. stav (3) Pravilnika o uslovima i načinu korištenja E-aukcije, ugovor za predmetnu nabavku dodjeljuje ponuđaču SACOM doo Sarajevo, sa ponuđenom cijenom za ugovor u iznosu od 249.983,29 KM sa uračunatim PDV-om.

II  
Ovom Odlukom stavlja se van snage Odluka dodjeli ugovora broj 02/12-23-12748/19- LOT 1 od 29.07.2019.godine.

III  
Ponovnu analizu ponuda provela je Komisija za javnu nabavku radova (u daljem tekstu: Komisija), u skladu sa odredbama Zakona o javnim nabavkama, zapisnikom sa otvaranja ponuda i zapisnikom o pregledu i ocjeni ponuda Komisije sa preporukom za usvajanje žalbe žalioca i preporukom za dodjelu ugovora za predmetnu nabavku.

III  
Zadužuje se Služba za zajedničke poslove, da ovu Odluku objavi na web stranici Općine [www.novigradsarajevo.ba](http://www.novigradsarajevo.ba), istovremeno sa upućivanjem iste ponuđačima koji su učestvovali u postupku javne nabavke u skladu sa članom 70. stav (6) Zakona o javnim nabavkama, te nakon isteka žalbenog roka pripremi ugovor i dostavi Općinskom načelniku na potpis.

IV  
Konstatuje se da je ponuđač iz člana I ove Odluke dostavio dokumente tražene u podtački 3.1.3. tenderske dokumentacije, koji se odnose na član 45. stav 2. tačka od a) do d) Zakona i dokumente tražene u podtački 3.3. tenderske dokumentacije koja se odnosi na ekonomsku i finansijsku sposobnost, te se oslobađa naknadnog dostavljanja istih.

## Obrazloženje

Postupak javne nabavke pokrenut je Odlukom o pokretanju postupka javne nabavke u predmetu - Izvođenje radova na izgradnji i obnovi horizontalne signalizacije na parkinzima- LOT 1, br. 02/12-23-12748/19 od 07.06.2019.godine. Procjenjena vrijednost za predmetnu nabavku (LOT 1) iznosi 213.675,21 KM bez PDV-a i 250.000,00 KM sa PDV-om. Javna nabavka provedena je putem otvorenog postupka za dostavu ponuda br. obavještenja 422-1-3-150-3-67/19 objavljen u Službenom glasniku br. 41/19 dana 14.06.2019.godine i na Portalu javnih nabavki Agencije za javne nabavke BiH dana 12.06.2019. godine.

Komisija je utvrdila da su u ostavljenom krajnjem roku za otvaranje ponuda, za LOT 1 blagovremeno i propisno upakovane dostavljene dvije (2) ponude i to od sljedećih ponuđača: SACOM doo Sarajevo i BULJAN CESTE doo Kreševo. Zapisnik sa otvaranja ponuda dostavljen ponuđačima na fax.

Nakon izvršenih provjera, Komisija je utvrdila preliminarnu rang listu prihvatljivih ponuda sa ponuđenim cijenama za ugovor, koja izgleda ovako:

1. SACOM doo Sarajevo.....ukupno ponuđena cijena iznosi 213.660,93 KM bez PDV-a, odnosno 249.983,29 KM sa uračunatim PDV-om
2. Buljan Ceste doo Kreševo.....ukupno ponuđena cijena iznosi 223.386,30 KM bez PDV-a, odnosno 261.361,97 KM sa uračunatim PDV-om

Na osnovu tačke 1.5. podtačka 1.5.5. tenderske dokumentacije, kojom je predviđeno provođenje e-aukcije, a u skladu sa Pravilnikom o uslovima i načinu korištenja E-aukcije ("Službeni glasnik 66/16), zakazana je održavanje e-aukcije na Portalu javnih nabavki za dan 16.07.2019.godine sa početkom u 10:00 sati i predviđenim trajanjem iste od 10 minuta. Nakon okončane e-aukcije za predmetnu nabavku, a na osnovu dobivenog „Izveštaja o toku i završetku e-aukcije“, Komisija je utvrdila da konačna rang lista izgleda ovako:

1. SACOM doo Sarajevo.....ukupno ponuđena cijena iznosi 129.780,00 KM bez PDV-a, odnosno 151.842,60 KM sa uračunatim PDV-om
2. Buljan Ceste doo Kreševo.....ukupno ponuđena cijena iznosi 130.000,00 KM bez PDV-a, odnosno 152.100,00 KM sa uračunatim PDV-om

Okončanjem postupka e-aukcije, u skladu sa Izveštajem o toku i završetku e-aukcije, na preporuku Komisije, donesena je Odluka br. 02/12-23-12748/19- LOT 1 od 29.07.2019.godine, koja je dostaljena svim učesnicima u postupku, te objavljena na web stranici Ugovornog organa, u skladu sa članom 70. stav (6) Zakona o javnim nabavkama.

Nezadovoljan zaprimljenom Odlukom ponuđač SACOM doo Sarajevo je nakon izvršenog uvida u ponudu Buljan ceste doo Kreševo, putem ovlaštenog zastupnika uložio Žalbu bez broja, od 09.08.2019.godine. Komisija je utvrdila da je žalba blagovremena, dopuštena i izjavljena od strane ovlaštenog lica.

Žabeni navodi Žalitelja, se odnose na slijedeće:

Ad.1. „Dostavljanje dokaza o obezbjeđenosti opreme neophodne za obavljanje predmetnih radova. Žalilac navodi „... obavezu dostavljanja kompresora za nanošenje boje, 1 kom“ za koju je bilo obavezno kao dokaz priložiti upotrebnu dozvolu i izvod iz knjige osnovnih sredstava sa zapisnikom koji dokazuje tražene karakteristike. Isto je od ponuđača Buljan ceste doo Kreševo dostavljeno, međutimna upotrebnoj dozvoli je navedeno – Mobilni kompresor zraka SC30DS, ali nije navedeno da se radi kompresoru za boju....“

Ad.2. Žalilac stavlja primjedbu na .....“dostavljeni agregat-1 kom tražen podtačkom 3.2. stav 4) tenderske dokumentacije, ponuđač je za isto dostavio izvod iz osnovnih sredstava kao i upotrebnu dozvolu za agregat, međutim nazivi na upotrebnoj dozvoli i na listi osnovnih sredstava se ne podudaraju, a iz razloga što je na listi, tj. izvodu navedeno „Agregat dizel stabilni uljanik 25K“, dok je na upotrebnoj dozvoli naveden „Električni mofazni agregat MS 100 LG“, pa je jasno da nije riječ o istom agregatu....“

Ad.3. Žalilac ističe „priložena je upotrebna dozvola Stroj za tankoslojnu i debeloslojnu horizontalnu signalizaciju – univerzalni (sve vrste oznaka) proizvođač HOFMANN, kao i Ugovor o iznajmljivanju

opreme od firme Buljan Ceste doo Kreševo, mašina je u vlasništvu Buljan Ceste doo Split, ugovorom se iznajmljuje firmi Buljan ceste doo Kreševo. Dostavljeni dokumenti su nelogični, jer ugovor o zakupu datira od 01.08.2018.god., pa je nejasno da li se radi o identičnoj mašini navedenoj u ugovoru odnosno upotrebnoj dozvoli, dok se iz dostavljene upotrebne dozvole proizilazi da je oprema u vlasništvu Buljan ceste doo Kreševo.“ Ad.4. Kad je u pitanju podtačka 3.4. mašina za izradu horizontalne signalizacije bojom za puteve-uzdužne oznake- 1 kom, za navdenu Buljan ceste doo prilažu 2 upotrebne dozvole, jedna glasi „stroj za horizontalnu signalizaciju“ proizvođač TITAN USA, te druga „stroj za horizontalnu signalizaciju“ proizvođač JOSCHU Njemačka, jasno je da nijedna od dvije upotrebne dozvole se ne odnosi na mašinu koja je tražena tenderskom dokumentacijom, jer ni jedna ne sadrži navod da mašina služi za izradu horizontalne signalizacije bojom za puteve za uzdužne oznake....“ Ad.5. „Podtačkom 3.5. traženo je posjedovanje mašina za izradu horizontalne signalizacije debeloslojnom hladnom plastikom – uzdužne i poprečne oznake-1 kom, ponuđač Buljan Ceste doo je priložio upotrebnu dozvolu za mašinu pod nazivom „stroj za horizontalnu signalizaciju-univerzalni“ odnosno za sve vrste oznaka, proizvođača CMC Italija, pa kako je priložio za ovaj uslov i ug. o iznajmljivanju opreme od druge firme, a upotrebna dozvola glasi na firmu „Buljan ceste“ doo Kreševo, dokumenti su neusaglašeni i nelogični....ponuđač nije dolazio kumulativno sa dostavljenim dokumentima ugovoro o zakupu i upotreban dozvola da se radi o istoj mašini, jer su podaci iz ugovora i dostavljene upotrebne dozvole različiti....“

Postupajući po navedenim žalbenim navodima, izvršen je ponovni uvid u dokumentaciju, te izvršena analiza dokaza, u odnosu na navode Žalioca i tražene uslove iz tenderske dokumentacije, te je utvrđeno da je žalba osnovana, a ponuda ponuđača Buljan ceste doo Kreševo je odbačena kao neprihvatljiva. U vezi sa tim Odluka broj 02/12-23-12748/19- LOT 1 od 29.07.2019.godine se stavlja van snage.

Uzevši u obzir mišljenje Agencije za javne nabavke koje je objavljeno na web stranici Agencije dana 17.06.2019.godine, jasno je da je za ovaj postupak ostala samo jedna prihvatljiva ponuda. U vezi sa Mišljenjem Agencije, e-aukcija se ne zakazuje ponovo i Ugovor se dodjeljuje podnosiocu Žalbe SACOM doo Sarajevo, po cijeni koja je data u ponudi prije održavanja e-aukcije.

Nakon što je Komisija prihvatila Žalbu žalitelja i utvrdila da je ponuda žalitelja SACOM doo jedina prihvatljiva ponuda, te da je za ovaj postupak bilo predviđeno provođenje e aukcije, ali u skladu sa članom 3. Pravilnika o uslovima i načinu korištenja e-aukcije stav (3), odlučeno je da se ovaj postupak okonča u skladu sa članom 69. tačka 1. stav a) Zakona.

Budući da je Usvojena žalba, a u vezi sa mišljenjem Agencije za javne nabavke koje je objavljeno na web stranici Agencije dana 17.06.2019.godine, konstatuje se da je za ovaj postupak ostala samo jedna prihvatljiva ponuda. U vezi sa Mišljenjem Agencije, e-aukcija se neće zakazati ponovo i Ugovor se dodjeljuje podnosiocu Žalbe SACOM doo Sarajevo, po cijeni koja je data u ponudi i koja iznosi: 213.660,93 KM bez PDV-a, tako da ukupna cijena za ugovor iznosi 249.983,29 KM sa uračunatim PDV-om.

### **Pouka o pravnom lijeku**

Ponuđači koji su sudjelovali u postupku nadmetanja mogu radi zaštite svojih prava i pravnih interesa, u roku od 10 dana od prijema pismene obavijesti (Odluke) o izboru najpovoljnijeg ponuđača, izjaviti žalbu ugovornom organu u dovoljnom broju primjeraka.

Obradila:  
Enisa Bablić dipl.pravnik

Dostaviti:  
1. Ponuđaču/ima - učesnicima postupka  
2. Služba za zajedničke poslove  
3. Arhivi u spis

